

- cotidianaे vitae consuetudinem,  
 quae quo(u)sque ingenium ut sit declarat maxume.  
 texentem telam studiose ipsam offendimus, 285  
 45 mediocriter vestitam veste lugubri  
 (ei(u)s anui' causa opinor quaē erat mortua)  
 sine auro; tum ornatam ita uti quae ornantur sibi,  
 nulla mala re esse expolitam muliebri;  
 capillu' pexu' prolixus circum caput 290  
 50 reiectu' neglegenter; pax. *CLIN.* Syre mi, obsecro,  
 ne me in laetitiam frustra conicias. *SY.* anus  
 subtemen nebat. praeterea una ancilla  
 erat; ea texebat una, pannis obsita,  
 neglecta, inmunda inluvie. *CLIT.* si haec sunt, Clinia, 295  
 55 vera, ita uti credo, quis te est fortunatior?  
 scin hanc quam dicit sordidatam et sordidam?  
 magnum hoc quoque signumst dominam esse extra noxiam,  
 quōm ēius tam negleguntur internuntii.  
 nam disciplinast isdem munerarier 300  
 60 ancillas primum ad dominas qui adfectant viam.  
*CLIN.* perge, obsecro te, et cavē ne falsam gratiam  
 studeas inire. quid ait ubi me nominas?  
*SY.* ubi dicimus redisse te et rogare uti  
 veniret ad te, mulier telam desinit 305  
 65 continuo et lacrumis opplet os totum sibi,  
 ut facile scires desiderio id fieri [tuo].  
*CLIN.* prae gaudio, ita me dī ament, ubi sim nescio:  
 ita timui. *CLIT.* at ego nil esse scibam, Clinia.